

ILUARSISSUT

Inatsisissatut siunnersuut 22. august 2022-meersoq taarserpaa
(Oqaasertaasigut iluarsisoqarpoq)

Uunga siunnersuut:

Inatsisartunut Naalakkersuisunullu il. il. ilaasortat aningaasarsiaqartitaanerat il. il. pillugit Inatsisartut inatsisaata allanngortinneqarneranik Inatsisartut inatsisaat
(Inatsisartut ataatsimiinnerannut atatillugu ilaquttanik ingiallorteqarsinnaanermik annertusiineq)

§ 1

Inatsisartuni Naalakkersuisunilu il. il. ilaasortat aningaasarsiaqartitaanerat il. il. pillugit Inatsisartut inatsisaanni nr. 22-mi, 18. december 2003-meersumi, Inatsisartut inatsisaatigut nr. 42, ulloq 23. november 2017-imeersukkut kingullermik allanngortinneqartumi, tulliuuttut allanngortinneqassapput:

1. § 4 imatut oqaasertalerneqassaaq:

” § 4. Inatsisartunut ilaasortat Nuummi najugaqanngitsut aapparisaat aamma qitornai 18-it inorlugit ukiullit angerlarsimaffimmi najugallit qaammatisiutit malillugit ukiut affakkaarlugit Inatsisartut ataatsimiinnerannut atatillugu ingialluinermi angalanermut ineqarnermullu akiliunneqartassapput.

Imm. 2. Inatsisartunut ilaasortat qitornai 18-it inorlugit ukiullit angerlarsimaffimmi najugallit Inatsisartut ataatsimiinnerannut atatillugu ingialluinermi angalanermut ineqarnermullu akiliunneqarpata, tassanilu aapparisaq ilaanngippat, inersimasoq ingiallortaasoq alla angalanermut ineqarnermullu akiliunneqassaaq.

Imm. 3. Inuit nalunaarsorsimaffianni najugaqatigiittut nalunaarsorneqarluni ukiumi ataatsimi inooqatigiinneq aappariinnermut naligititaassaaq.

Imm. 4. Inatsisartunut ilaasortat Naalakkersuisunut ilaasortaajutigisut imm. 1-3-mi aalajangersakkat malillugit angalanermut ineqarnermullu akiliunneqartassanngillat.”

§ 2

Inatsisartut inatsisaat ulloq 1. januar 2023 atuutilerpoq.

Namminersorlutik Oqartussat, ulloq xx. xx 2022

Naalakkersuisut Siulittaasuat